



Da sanester: Ils professers da rumantsch cun ils students da rumantsch Michele Badilatti, Bettina Vital, Nadina Derungs e Guadench Dazzi, anteriur student.

Studi da rumantsch cun bunas perspectivas

■ (anr/ads) En in plenum han tematisà dus students che studegian actualmain rumantsch a Turitg, numadamain Michele Badilatti e Nadina Derungs ed exstudent Guadench Dazzi, davart lur experientschas, lur sforzs e plaschairs, avantatgs e dischavantatgs d'in studi da rumantsch a l'universidad. La runda è vegnida moderada da Bettina Vital d'Ardez ch'è sezza er studenta. Rumantsch pon ins studegiar a Turitg, Geneva e Friburg. L'Universitad da Friburg è l'unica universitad che porscha rumantsch en il rom principal. A Turitg pon ins studegiar rumantsch en il rom lateral ed a Geneva en furma da moduls. Il rom retoromanistica cumpi-

glia litteratura e linguistica rumantscha. Resguardads vegnan ils differents idioms e la lingua standard rumantsch grischun. Actualmain èn s'inscrits 19 studentas e students a Turitg, inclusiv students da la Scol'auta da pedagogia, e 6 a Friburg. Il studi da rumantsch porscha, tenor ils represchentants, l'atmosfera famigliara e persunala en ina grupp pitschna. Quella situaziun portia status d'exclusivitat che po esser, sco quai che Michele Badilatti di, dad ina vart motivond («Sche jau na fatsch betg na fa nagin»), però da l'autra vart er in squitsch, sch'i vegn spetgà che students stuessan salvar il rumantsch. Per la studenta Nadina Derungs, ch'è creschida si giu la Bassa ed ha geniturs ru-

mantschs, munta in studi da rumantsch ina schanza da scuvrir sias ragischs. Plans concrets tge ch'ella vulesse far suentar il studi n'ha ella dentant anc betg. Guadench Dazzi raquinta da divers jobs ch'ins ha la pussaivladad da far durant in studi da rumantsch, sco p. ex. translaziuns, publitgar artitgels, participar a projects. «Uschia pon ins ramassar experientschas professionalas gia durant il studi.» Ussa ha el ina piazza tar il Radio Rumantsch. Bettina Vital concluda che studegiar rumantsch pussibiliteschia da scuvrir terren nov en in ambient pluri-diomadic e porschia bunas schanzas per ina interessanta piazza da lavur en il Grischun.



Myriam Pelican-Camenisch prelegia ses Impuls en il rumantsch da Domat.



La sala Tircal era adina bain occupada.